

# URTIRIZINE SYRUP

Cetirizine dihydrochloride (5mg/ 5ml)

## Apakah yang ada pada risalah ini

1. Apakah kegunaan Urtirizine Syrup
2. Bagaimana Urtirizine Syrup berfungsi
3. Sebelum menggunakan Urtirizine Syrup
4. Cara menggunakan Urtirizine Syrup
5. Semasa menggunakan Urtirizine Syrup
6. Kesan-kesan sampingan
7. Cara penyimpanan dan pelupusan Urtirizine Syrup
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Urtirizine Syrup

Urtirizine Syrup diguna untuk merawat simptom rinitis bermusim (keradangan dalam hidung), rinitis alergi jenis berterusan dan urtikaria (ruam gatal pada kulit) berpunca dari alahan.

## Bagaimana Urtirizine Syrup berfungsi

Cetirizine dihydrochloride adalah bahan aktif untuk Urtirizine Syrup. Ia adalah sejenis antihistamin. Histamin adalah sejenis bahan kimia yang dilepaskan ke dalam badan semasa reaksi alergik. Ia menyebabkan gatal dan keradangan.

Urtirizine Syrup berfungsi dengan menghalang kesan histamin semula jadi di dalam badan. Urtirizine Syrup dengan ketaranya mengurangkan hiperaktiviti respiratori terhadap histamin pada orang yang mempunyai asma. Ia juga mengurangkan reaksi alergi yang dicetus oleh alergen yang tertentu.

## Sebelum menggunakan Urtirizine Syrup

- Bila tidak boleh menggunakan:
  - Jika anda alergi (hipersensitif) kepada Cetirizine dihydrochloride atau antihistamin lain atau

sebarang kandungan dalam Urtirizine Syrup.

- Jika anda sedang menyusu anak kerana ia boleh didapati di dalam susu ibu.
- Jika anda mempunyai *porphyria* (penyakit keturunan yang jarang berlaku di mana pigmen darah hemoglobin tidak metabolisme dengan normal).
- Jika anda berada dalam tiga bulan pertama kehamilan.
- Produk ini mengandungi aspartame. Anda harus menghadkan pengambilan Urtirizine Syrup jika anda mempunyai fenilketonuria.

### - Sebelum menggunakan Urtirizine Syrup:

Anda harus beritahu doktor anda sekiranya:

- Anda alergik terhadap ubat yang anda pernah ambil untuk merawat keadaan semasa anda.
- Anda hamil, atau sedang cuba untuk hamil atau sedang menyusu anak.

### - Jika mengambil ubat-ubat lain:

Tidak ada interaksi dengan ubat-ubatan lain seperti yang diketahui. Ia harus diambil dengan berhati-hati sekiranya sedatif lain juga diambil.

Sila beritahu doktor atau ahli farmasi anda sekiranya anda sedang mengambil mana-mana ubat, termasuk tonik herbal, pelengkap tambahan dan ubat yang dibeli tanpa preskripsi.

## Cara menggunakan Urtirizine Syrup

Sentiasa mengambil ubat dengan tepat seperti yang diberitahu oleh doktor anda. Anda perlu merujuk kepada doktor atau ahli farmasi anda sekiranya anda tidak pasti.

- Berapa banyak harus digunakan:  
Kanak-kanak (3 hingga 6 tahun) : 5mg sehari, sama ada 2.5mg 2 kali sehari atau 5mg 1 kali sehari.

Kanak-kanak lebih dari 6 tahun: 10mg sehari, sama ada 5mg 2 kali sehari atau 10mg 1 kali sehari.  
Orang dewasa: 10mg 1 kali sehari.

*Orang yang mempunyai masalah hati:*

Dos perlu dikurangkan kepada separuh daripada dos harian.

### - Bila perlu digunakan:

Ikut arahan doktor atau ahli farmasi anda. Ambil ubat ini melalui mulut.

- Berapa lama perlu digunakan:  
Terus mengguna Urtirizine Syrup untuk tempoh masa yang ditetapkan oleh doktor anda.

### - Jika terlupa menggunakan:

- Sekiranya anda lupa satu dos, ambil dos itu dengan segera.
- Tetapi, sekiranya telah hampir masa untuk dos yang berikutnya, abaikan dos yang terlepas.
- Jangan mengambil dos berganda untuk menggantikan dos yang dilupa.

### - Jika mengambil berlebihan (terlebih dos):

Symptom: sedasi, mengantuk dan kesan-kesan antimuskarinik

(pengekal kencing, kekeringan mulut, penglihatan kabur)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera

### Semasa menggunakan Urtirizine

#### Syrup

- Perkara yang perlu dilakukan:

Hubungi doktor jika simptom anda bertambah buruk atau tiada perubahan.

Hubungi doktor sekiranya anda hamil semasa mengambil Urtirizine Syrup.

Penggunaan alkohol berlebihan perlu dielakkan.

- Perkara yang tidak boleh dilakukan:

Jangan beri Urtirizine Syrup kepada orang lain walaupun simptom mereka seolah-olah serupa ataupun mereka mempunyai keadaan yang sama seperti anda. Doktor anda telah mempreskripsikan Urtirizine Syrup untuk anda dan keadaan anda.

Ubat ini tidak harus diberi kepada bayi pra-matang dan baru lahir.

- Perkara yang perlu diberi perhatian:

Anda harus berhati-hati semasa memandu atau mengendalikan mesin membahayakan sebab kejadian mengantuk pernah dilaporkan.

Guna dengan berhati-hati pada orang yang mempunyai sawan, pembesaran kelenjar prostat atau halangan pyloroduodenal (halangan pada saluran perut), pengekal kencing, glaukoma

(kerosakan pada saraf mata), penyakit hati dan gangguan jantung dan saluran darah yang serius.

### Kesan-kesan sampingan

Kejadian sedasi adalah agak rendah. Lain-lain kesan sampingan ringan dan sementara yang berlaku sekali-sekala termasuk sakit kepala, pening, mengantuk, agitasi, kekeringan mulut dan ketidakselesaan gastrousus. Kesan sampingan yang tidak biasa termasuk simptom reaksi hipersensitiviti.

Warga tua adalah lebih mudah cenderung kepada kesan sampingan antihistamina, termasuk kesan antimuskarinik, sedasi dan tekanan darah rendah.

Sekiranya mana-mana kesan sampingan menjadi serius, atau anda mengalami kesan sampingan yang tidak disenaraikan dalam risalah ini, sila beritahu doktor atau ahli farmasi anda.

Berjumpa dengan doktor atau ahli farmasi anda jika anda was-was atau untuk mendapatkan maklumat selanjutnya.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web [npra.moh.gov.my](http://npra.moh.gov.my)

(Public → Reporting Medicinal Problems / Side Effects / AEFI / Vaccine Safety).

### Cara penyimpanan dan pelupusan Urtirizine Syrup

- Penyimpanan:

Jangan guna selepas tarikh tamat tempoh yang dinyatakan pada bungkusan. Tarikh tamat tempoh merujuk kepada hari terakhir bulan tersebut.

Simpan di bawah suhu 30°C dalam bekas yang ditutup rapat.

Lindungi daripada cahaya, kepanasan dan kelembapan. Jauhi daripada kanak-kanak.

- Pelupusan:

Ubat-ubatan tidak harus dilupuskan melalui sisa air atau sisa isi rumah. Tanya ahli farmasi anda cara-cara pelupusan ubat-ubatan yang tidak lagi diperlukan. Langkah-langkah ini akan membantu melindungi alam sekitar.

### Maklumat lanjut

- Rupa dan warna produk:

Cecair tidak berwarna dengan rasa manis dan perisa nanas. Ia dibekalkan dalam 120ml di dalam botol plastik gelap.

- Bahan-bahan kandungan:

- Bahan aktif  
Setiap 5ml mengandungi 5mg bahan aktif, Cetirizine dihydrochloride.
- Bahan tak aktif  
Bahan – bahan lain adalah sodium citrate, aspartame, methylparaben, propylparaben dan pineapple Sarawak

- Nombor MAL  
MAL20040212AZ

### Pengilang dan Pemegang Pendaftaran Produk

Malaysian Pharmaceutical Industries Sdn Bhd.  
Plot 14, Lebuhraya Kampung Jawa, 11900 Bayan Lepas, Pulau Pinang, Malaysia.

### Tarikh kemaskini RiMUP

27/03/2017

### Nombor Siri:

BPFK (R4/1) 170317/00037